

祥異志

夏口縣志卷二十

周孝王十三年甲子天雨雹江漢冰

通鑑按胡氏一桂曰嬴秦始封而災異即見履霜之象

已兆於此蓋因是年封非子於秦故也

漢獻帝建安二年丁丑秋九月漢水溢

漢陽縣志

後帝建興七年己酉

吳主權黃龍元年

黃龍見四月鳳皇見

漢陽縣志

晉懷帝永嘉三年己巳夏五月大旱江漢皆竭可涉

漢陽縣志

太元六年辛巳夏大水

漢陽縣志

安帝隆安三年己亥大水平地三丈

漢陽縣志

唐代宗廣德元年癸卯十二月辛卯夜大風火發江中焚舟三千

艘延及岸上民居二千餘家死者以數千計

漢陽縣志

穆宗長慶四年甲辰漢江水漂民廬舍

漢陽縣志

宋太宗太平興國二年丁丑漢江漲壞城及民廬舍

漢陽縣志

志

祥異志

一

七年壬午夏大水漢江并漲壞田稼民舍人畜死者甚眾秋七

月江漢水溢為患

漢陽縣志

紹聖元年甲戌麥秀兩歧

漢陽縣志

孝宗淳熙三年丙申夏旱冬大饑

漢陽縣志

九年壬寅秋七月旱

漢陽縣志

甯宗嘉定六年癸酉旱自五月至七月不雨

漢陽縣志

十六年癸未五月霖雨江漲城市沈沒累日不洩

漢陽縣志

理宗端平二年乙未三月大水

漢陽縣志

元世祖至元三十一年甲午水

漢陽縣志

成宗元貞二年丙申夏蝗

漢陽縣志

大德三年己亥夏旱

漢陽縣志

十年丙午四月旱大饑

漢陽縣志

仁宗延祐二年乙卯十二月饑 漢陽縣志

三年丙辰正月饑 漢陽縣志

文宗至順二年辛未十月饑 漢陽縣志

順帝至正四年甲申地震 漢陽縣志

九年己丑五月蜀江溢浸城民大饑 漢陽縣志

十二年壬辰雨粉餓民家居戶柱壁有粉痕如鍼者無數 漢陽縣志

十三年癸卯月食太白徐壽輝倡亂於漢沔 漢陽縣志

十五年乙未冬雨黑雪 漢陽縣志

明英宗正統十四年乙巳漢水冰 漢陽縣志

景泰四年癸酉冬疫 漢陽縣志

天順二年戊寅自五月至九月不雨人相食 漢陽縣志

七年癸未五月大雨廬舍漂沒民皆依山露宿 漢陽縣志

志

祥異志

二

憲宗成化三年丁亥江水決江口隄岸迄漢陽長八百五十丈有奇 漢陽縣志

五年己丑十二月地震 漢陽縣志

七年辛卯水

十四年戊戌六月漢水溢入漢陽城漂溺田廬大旱饑 漢陽縣志

孝宗宏治二年己酉三月雨小豆種之蔓生不實 漢陽縣志

三年庚戌火 漢陽縣志

六年癸丑大雪冰厚三尺 漢陽縣志

七年甲寅大水 漢陽縣志

十五年壬戌五月大水 漢陽縣志

十六年癸亥旱 漢陽縣志

十七年甲子田鼠害稼 漢陽縣志

武宗正德二年丁卯水田鼠害稼饑 漢陽縣志

三年戊辰大旱饑夏秋不雨井泉竭 漢陽縣志

四年己巳五月旱 漢陽縣志

十四年己卯冬江漢冰 漢陽縣志

十五年庚辰冬江漢冰合 漢陽縣志

世宗嘉靖六年丁亥大水 漢陽縣志

十四年乙未旱 漢陽縣志

十七年戊戌大旱 漢陽縣志

二十五年丙午正月火 漢陽縣志

四十二年癸亥旱 漢陽縣志

穆宗隆慶五年辛未夏大水 漢陽縣志

神宗萬曆十六年戊子大旱饑民采木皮以食死者甚眾 漢陽

縣志

志

祥異志

三

十九年辛卯大水 漢陽縣志

二十年壬辰大水 漢陽縣志

二十一年癸巳大水 漢陽縣志

二十七年己亥大水 漢陽縣志

三十年壬寅大水 漢陽縣志

三十五年丁未大水 據馮理藩駒隙偶鈔

三十九年辛亥水 漢陽縣志

四十五年丁巳飛蝗害稼 漢陽縣志

四十六年戊午蝗復為害大旱 漢陽縣志

熹宗天啓元年辛酉漢水冰合 漢陽縣志

三年癸亥正月大火起漢口傷人無算有全家焚斃五十三口

者 漢陽縣志

莊烈帝崇禎二年己巳大水是年秋旱 漢陽縣志

五年壬申大水廬舍田畜漂溺殆盡 漢陽縣志

十三年庚辰冬湖水盡涸圻如龜文人行其上 漢陽縣志

十四年辛巳飛蝗蔽天民大饑穀貴石價白金一兩 漢陽縣志

十五年壬午大旱 漢陽縣志

十六年癸未五月晝晦大雨雹 漢陽縣志

清順治二年乙酉大水穀種石價貴至四兩麥大熟民之避賊者多伏於麥中以免 漢陽縣志

四年丁亥民間謠傳雞翅生爪久將飛啄人一時殺雞殆盡 漢陽縣志

五年戊子晝晦大風拔木傾廬舍 漢陽縣志

志

祥異志

四

六年己丑水 漢陽縣志

九年壬辰四月雨黑米味如黏禾自四月不雨至八月民大饑米石二兩 漢陽縣志

十一年甲午夏漢水決於沙陽湖 漢陽縣志

十二年乙未四月雨雹 漢陽縣志

十三年丙申五月雨冰 漢陽縣志

十五年戊戌夏水 漢陽縣志

十八年辛丑旱 漢陽縣志

康熙元年壬寅慶雲見網緼五色曉夜不散 漢陽縣志

二年癸卯大水 漢陽縣志

七年戊申秋水 漢陽縣志

八年己酉四月大風拔木壞屋江河溺死者無算 漢陽縣志

十年辛亥秋旱 漢陽縣志

十三年甲寅七月旱 漢陽縣志

二十六年丁卯六月十七日江口火燒迴龍寺四官殿廟宇及房屋計數千家焚溺人民數百口 漢口叢談

二十七年戊辰秋大有 漢陽縣志

二十九年庚午旱饑 漢陽縣志

三十四年乙亥五月天雨豆於漢口大如小赤豆紫色有一點黑處若蒂 漢陽縣志

三十五年丙子秋大水 漢陽縣志

三十七年戊寅漢口火延燒數千家 漢陽縣志

四十四年乙酉水 漢陽縣志

四十七年戊子水旱蟲鼠災 漢陽縣志

志

祥異志

五

四十八年己丑水 漢陽縣志

五十三年甲午水旱災 漢陽縣志

五十四年乙未水 漢陽縣志

五十五年丙申水 漢陽縣志

五十九年庚子水 漢陽縣志

雍正三年乙巳大有 漢陽縣志

四年丙午大水 漢陽縣志

五年丁未春大雨兼旬江水溢災 漢陽縣志

乾隆二年丁巳麥有秋 漢陽縣志

四年己未秋旱 漢陽縣志

七年壬戌水災 漢陽縣志

十七年壬申正月晦日漢口糧艘火是夜西南風大作因網船

失謹延燒糧舟數十艘 漢陽縣志

二十九年甲申水 漢陽縣志

三十年乙酉正月漢口糧艘火湖南糧舟停泊漢口鹽店火延燒十三艘 漢陽縣志

三十一年丙戌六月十八由義坊火延及大智坊之楊林口至無人居之處方止斃於水火者甚眾 漢口叢談

三十二年丁亥水 漢陽縣志

三十三年戊子九月初十日江口復失慎延燒南岸湖南糧船及紅船客舟甚多死者至慘 漢口叢談

三十四年己丑水 漢陽縣志

四十三年戊戌旱灾 漢陽縣志

四十七年壬寅水 漢陽縣志

志

祥異志

六

五十三年戊申大水 漢陽縣志

五十六年辛亥水 漢陽縣志

五十九年甲寅早稻大熟 漢陽縣志

嘉慶元年丙辰旱 漢陽縣志

五年庚申歲饑 漢陽縣志

十五年庚午漢口大智坊李廣太藥肆火延燒房屋凡四百三十一家燒斃男婦六口其被灾最重之百餘戶先行捐給口糧

由離商徐福曜等按戶分給蓆棚計共捐銀三千二百兩 漢陽縣志

縣志

十九年甲戌歲饑 漢陽縣志

道光十一年辛卯大水 漢陽縣志

十二年壬辰大疫死者無算有沿途倒斃者有闔門不起貨財

充斥而尙待族郇故舊收埋者自春徂夏幾半年屆秋始止
漢陽縣志

十五年乙未蝗 漢陽縣志

二十一年辛丑大水 漢陽縣志

二十八年戊申大水 漢陽縣志

二十九年己酉大水較乾隆戊申尙大五尺 漢陽縣志 案王

載道光戊申楚中大水武漢成巨浸已西益甚漢黃沔鄂間藍
縷載道會垣據黃鵠磯城不沒者三版居民編蘆息其上其面
騰脂山而居者初登樓架木橋通出入水漸及戶楣如蟻封急
呼家人抉牆輒而出就小舟舟或觸市瓦必覆凡出者皆僦居
山頂天炎如炙老弱俱病及水落無不生計蕭條江夏程之楨
純事七律六首有城堞編茅成里社成樓垂釣卽江湖之句可
以見其概矣

咸豐二年壬子漢口打扣巷河街雷萬春梳篦鋪火自柱出以
水沃之熄隨又自牆出或自地出隨沃隨然閱三日灾 漢陽縣志

志

祥異志

七

七年丁巳飛蝗蔽日 漢陽縣志

八年戊午蝗 漢陽縣志

同治五年丙寅旱十一月漢口鎮火一月凡六次 漢陽縣志

六年丁卯五月二十五日夜半漢口鮑家巷正街火適河水大

至河岸船隻戇火珠墮落甫欲解纜起旋而上流覆舟隨波衝

下被損壞沈溺者不少 漢陽縣志

八年己巳接駕嘴馬頭傾圮死人綦眾

九年庚午大水

光緒三年丁丑漢口花樓下濱江忽起一沙洲寬約三里長約
十里餘半年乃沒後其地無論若何退涸無此大洲卽他處亦
無之八月飛蝗蔽天數日尙未成災因農家秋稼已登場故也
是冬大雪漢水結冰甚厚

四年戊寅大水

十一年乙酉大有年八月漢口大馬頭火維時風疾火猛焚北岸房屋約三百家河船凡七十餘隻并延燒南岸人家無算九月某夜室中忽有無數星點往來如織如是者三夕

十二年丙戌冬大雪平地六七尺河港堅冰上可通車人畜及往來商旅凍斃於途者尸骸至相枕藉

十五年己丑七月十八或云十九夜有星貫月八月大雨至九月二十六止縣境俱成澤國無薪爲炊先是九月十五狂風暴作折屋覆舟慘不忍觀并聞是日洞庭覆舟數千溺斃商人無算洎冬月二十七南皮張文襄初督鄂時蒿目流亡移民乏策特募武漢殷富紳商捐助各善堂廣設粥廠以贍救之於時四方來就食者調查所搭席棚已達三萬七千有奇

志

祥異志

八

二十一年乙未襄河水漲湖南寶慶幫炭船損失最多人民之溺斃者無算由是五顯廟南岸有報水電鐘之設

二十二年丙申九月十三大雪

二十四年戊戌八月十六漢口大火延燒數千家人畜焚死無算先是七月十七或云十三夜三鐘時歟有黑風來自東北聲如萬馬奔騰說者謂八月大火之灾已兆於此

二十五年己亥七月二十五漢口復大火延燒計千餘家是冬十月十三夜月華五色

二十六年庚子四月天雨雹是月十八漢陽南岸嘴大火漢口大馬頭河濱觀火者眾河坡驟崩壓溺人數較同治八年爲尤多

二十七年辛丑冬月二十日黃沙蔽日

二十八年壬寅三月十五日黃沙蔽天漢口大疫人民死者不可勝計

三十二年丙午五月橫隄火後演劇於天符行宮宮前污水池上設露臺坐觀人多臺圯陷入池中死五十餘人傷者尤夥三十四年戊申三月初六襄河水漲停泊河船損失無數人民亦多淹斃者是月二十四大風傾舍

宣統元年己酉漢口鼠疫死者甚夥

三年辛亥八月二十二二十三兩日太白晝見

民國四年乙卯旱蝗四鄉設捕蝗局委員價購斤值二十文

五年丙辰飛蝗蔽日

六年丁巳夏歷正月初二地震房屋動搖幾倒二月朔亦如之而聲較微

志

祥異志

九

七年戊午夏歷正月初三日下午二時地微震房屋及樹木亦動搖較丁巳正月畧緩而時稍長六月二十九日下午五鐘大風雨并雨雹河船岸屋頗有損害是年三月十五日下午八時招商局江寬輪船自上海載客行至丹水池江面被楚材兵輪碰沈凡淹斃七百餘人其他資物損失尤不勝計

八年己未夏歷四月初三日午前二鐘三新街棚戶失謹瞬燒千餘家至夜半二鐘大智門鐵路外棚戶復火延燒至劉園旁席棚火珠忽飛入愛國花園後引然亭榭時值風緊火熾又延及裕昌里濟生堂前後綿亘數里共焚去棚戶民房數千家燒斃人畜甚眾誠近來罕見之浩劫也

是歲六月望後陰雨連綿獅子口及舊口上山洪暴發大水驟至日以尺計較之道光己酉僅小尺許凡縣屬大小隄院同時

告潰四鄉胥成澤國其時早稻雖熟而未黃之遲稼猶多村落
田廬俱爲龍蛇窟穴災民扶老攜幼席地棚居鐵路外及高阜
旁幾無隙地幸搶護手眾張公隄堵禦奔流故漢口上下街衢
未被淹沒

以上均據採訪補入

志

祥異志

十